

漢魏六朝百三家集

漢九人

董膠
國集

江苏工业学院图书馆
藏书章

第三册

董膠西集題詞

史記儒林傳載廣川董氏與胡毋生
春秋同列無大褒異至漢書始特爲
立傳贊述劉子政與劉歆劉龔言論
抑揚其辭以寄鄭重凡人輕今貴古
賢者不免太史公與董生並遊武帝

朝或心易之孟堅後生本先儒之說
推崇前輩則有叩頭戶下耳正誼明
道西漢絕學遂爲儒宗三策三對君
臣喜起文章大醕禮記儔也公孫用
事同學懷妬出相膠西謝病自免悲
哉董生向賦不遇今其然耶然尊孔

氏斥百家立學校舉茂孝王者制度
皆發自董生身雖廢言何嘗不顯哉
高廟燔災閒居擬對私家書也王父
挾奏呂生妄譏下吏當死漢法失刑
與誅腹誹何殊宋儒因武帝好殺窮
跡淮南曲罪董生一對上啟殘賊將

生罪反居張湯上乎非論之平也

與楊烈指回救婁東張溥題

此奏曰主吏對不吏當取對去矣

高麗額災聞呂璣慙死宋書也主

昔楚自董主良繼烈言回嘗不照

月礼百家立學外舉災孝主皆歸

董膠西集目錄

賦

士不遇賦

策

賢良策一

并制

賢良策二

并制

賢良策三

并制

章

乞種麥限田章

書

詣丞相公孫弘記室書

對

高廟園灾對

雨雹對

郊祀對

頌

山川頌

春秋陰陽

附錄

本傳

董膠西集目錄終

董膠西集卷全

漢清河董仲舒著

明太倉張溥閱

賦

士不遇賦

嗚呼嗟乎遐哉邈矣時來遲遲去之速矣屈意
從人非吾徒矣正身俟時將就木矣悠悠偕時
豈能覺矣心之憂歟不期祿矣皇皇匪甯祗增
辱矣努力觸藩徒摧角矣不出戶庭庶無過矣

主不丁三代之聖隆兮而丁三季之末俗以辯
詐而期通兮貞士耿介而自束雖日三省於吾
身兮猶懷進退之惟谷彼實繁之有徒兮指其
白而爲黑目信嫖而言眇兮口信辯而言訥鬼
神不能正人事之變矣兮聖賢亦不能開愚夫
之違惑出門則不可以偕往兮藏器又嗤其不
容退洗心而內訟兮亦未知其所從也觀上古
之清濁兮廉士亦熒熒而靡歸殷湯有卞隨與
務光兮周武有伯夷與叔齊卞隨務光遁迹於

深淵兮伯夷叔齊登山而采薇使彼聖人其猶
周遑兮矧舉世而同述若伍員與屈原兮固亦
無所復顧亦不能同彼數子兮將遠遊而終慕
於吾儕之云遠兮疑荒途而難踐憚君子之于
行兮誠三日而不飯嗟天下之偕違兮悵無與
之偕返孰若返身於素業兮莫隨世而輪轉雖
矯情而獲百利兮復不如正心而歸一善紛旣
迫而後動兮豈云稟性之惟褊同人而大有兮
明謙光而務展遵幽昧於默足兮豈舒采而靳

顯苟肝膽之可同兮，奚鬚髮之足辨也。

策

賢良第一

制曰朕獲承至尊休德傳之亡窮而施之罔
極任大而守重是以夙夜不皇康甯永惟萬
事之統猶懼有闕故廣延四方之豪雋郡國
諸侯公選賢良修絜博習之士欲聞大道之
要至論之極今子大夫褒然爲舉首朕甚嘉
之子大夫其精心致思朕垂聽而問焉蓋聞
五帝三王之道改制作樂而天下洽和百王

同之當虞氏之樂莫盛於韶。於周莫盛於勺。
聖王已沒。鐘鼓筦絃之聲未衰。而大道微缺。
陵夷至乎桀紂之行。王道大壞矣。夫五百年
之間。守文之君當塗之士。欲則先王之法。以
戴翼其世者。甚衆。然猶不能反日以仆滅。至
後王而後止。豈其所持操或諄謬而失其統
與。固天降命不可復反。必推之於大衰而後
息與。嗚呼。凡所爲屑屑風興夜寐。務法上占
者。又將無補與。三代受命。其符安在。災異之

變何緣而起。性命之情。或夭或壽。或仁或鄙。
習聞其號。未燭厥理。伊欲風流而令行。刑輕
而姦改。百姓和樂。政事宣昭。何修何飭。而膏
露降。百穀登。德潤四海。澤臻草木。三光全寒
暑平。受天之祐。享鬼神之靈。德澤洋溢。施乎
方外。延及羣生。子大夫明先聖之業。習俗化
之變。終始之序。講問高誼之日久矣。其明以
諭朕科。別其條。勿猥勿并。取之於術。慎其所
出。廼其不正。不直。不忠。不極。枉於執事。書之。

董膠西集 卷全
不泄興于朕躬。毋悼後害。予大夫其盡心靡
有所隱。朕將親覽焉。

對曰。陛下發德音。下明詔。求天命與情性。皆非
愚臣之所能及也。臣謹按春秋之中。視前世已
行之事。以觀天人相與之際。甚可畏也。國家將
有失道之敗。而天廼先出災害以譴告之。不知
自省。又出怪異以警懼之。尚不知變。而傷敗廼
至。以此見天心之仁愛人君。而欲止其亂也。自
非大亡道之世者。天盡欲扶持而全安之。事在